



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՖԻՆԱՆՍՆԵՐԻ ՆԱԽԱՐԱՐ

<<21>> Քաղաք 20/9.

N 267-ՂԿ.

Հ Ր Ա Մ Ա Ն

**<<ՓԸՐՖԵՔԹ ԱՌԻԴԻՏ>> ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆԸ 2009 ԹՎԱԿԱՆԻ ՆՈՅԵՄԲԵՐԻ 05-ԻՆ ՏՐՎԱԾ ԱԾ N 068
ԼԻՑԵՆԶԻԱՅԻ ԳՈՐԾՈՂՈՒԹՅՈՒՆԸ ԿԱՍԵՑՆԵԼՈՒ ՄԱՍԻՆ**

Ղեկավարվելով <<Աուդիտորական գործունեության մասին>> օրենքի 27-րդ հոդվածի 1-ին մասի <<բ>> կետով և նույն հոդվածի 3-րդ մասով, Հայաստանի Հանրապետության վարչապետի 2018 թվականի հունիսի 11-ի թիվ 743-Լ որոշմամբ հաստատված Հայաստանի Հանրապետության ֆինանսների նախարարության կանոնադրության 18-րդ կետի 20-րդ ենթակետի դրույթներով, հիմք ընդունելով <<ՓԸՐՖԵՔԹ ԱՌԻԴԻՏ>> սահմանափակ պատասխանատվությամբ ընկերության 2019 թվականի մարտի 05-ին ներկայացրած գրությունը, աուդիտորական ծառայությունների իրականացման և ինկասացիոն ծառայությունների մատուցման լիցենզավորող հանձնաժողովի 2019 թվականի մարտի 19-ին կայացած նիստի թիվ 7 եզրակացությունը՝

Հ Ր Ա Մ Ա Յ ՈՒ Մ Ե Մ

1. <<ՓԸՐՖԵՔԹ ԱՌԻԴԻՏ>> սահմանափակ պատասխանատվությամբ ընկերության (ՀՎՀՀ՝ 02591995) Հայաստանի Հանրապետության ֆինանսների նախարարության կողմից 2009 թվականի նոյեմբերի 05-ին տրված աուդիտորական ծառայությունների իրականացման թիվ ԱԾ N 068 լիցենզիայի գործողությունը սույն թվականի փետրվարի 01-ից համարել կասեցված՝ մինչև համապատասխան խախտումը

վերացնելու վերաբերյալ հիմնավորող փաստաթղթերը լիազոր մարմին ներկայացնելու օրվան հաջորդող օրը:

2. Սույն հրամանը կարող է բողոքարկվել վարչական կարգով՝ ուժի մեջ մտնելու օրվանից երկամսյա ժամկետում կամ Հայաստանի Հանրապետության վարչական դատարան՝ Հայաստանի Հանրապետության օրենսդրությամբ սահմանված ժամկետում:
3. Սույն հրամանն ուժի մեջ է մտնում <<Վարչարարության հիմունքների և վարչական վարույթի մասին>> օրենքի 59-րդ հոդվածով սահմանված կարգով՝ իրազեկելուն հաջորդող օրվանից:



Ա. ԶԱՆԶՈՒՂԱԶՅԱՆ